

MUCHA MUHER DI 18 AÑA A COMETE ACCION SUICIDA

Cu vehiculo carga cu 200 kilo di explosivo

BEIRUT:—Un mucha muher cu aparentemente tin 18 aña di edad, ayera a comete un accion suicidio ariba ehercito Israelí na Sud Libanon.

Segun e frente nacional di resistencia libanes, e mucha muher cu un auto yena cu 200 kilo di explosivo a dirigi e vehiculo ariba un convoy di trucknan di ehercito israeli na e pueblo Jezzine.

Segun e prome informenan mas di 50 persona a ser herida.

Segun vocero di eherci-

to israeli dos soldat a perde nan bida y dos a keda herida. El a bisa cu na un di e postnan, e auto a ser para pa e control di custumber, pero e mucha muher a sigui cu su ontento di manda e auto ariba e convoy di trucknan, pero door di e parada, el a perde tempo y e auto a explota un rato despues.

Un vocero anonimo di e frente di resistencia a bisa cu e mucha muher ta Sana Mhajdali di Zahrani cu ta e parti di Sur Liba-

non cu ta ocupa pa e israelinan.

Mas despues television libanes a pasa un pelicula ariba cual por a mira e mucha muher bisti den trahe di camouflaje y cu un baret corra ariba su

cabez. El a declara den e reportahe aki cu el a ser escogi pa ser un martir pa motibo cu e kier cumpli cu su deber cu e tin pa su pueblo.

El a expresa e speranza cu su alma y cu alma di e

martirnan cu a bay prome cu ne lo forma un mengua explosivo cu lo explota manera un terremoto ariba cabez di e enemigonan.

El a laga sa cu e tin 18
Sigui lesa pag. 5

UN GANADOR PA PREMIO DI LOTTO

ORANJESTAD(AAN)—Segun DIARIO tin entendi e premio gordo di Lotto pa deporte e biaha aki si a bay. Te asina leeuw cu DIARIO a logra sa ayera, anochi, ta un persona so a gana e prome premio cu ta di 41.689,19 florin, ariba e numbernan di ayera 15-17-1-3 y mas di 80 hende (e total no tabata conoci ayera anochi) a gana e segundo premio cu ta 19.160,02 florin.

E number ganador pa premio social pa luna di maart ta 196346. E premionan lo ser entrega diahuebs na San Nicolas na Oficina di Lotto y diaviera na Idefre.



Ayera anochi mas o menos 8.20 or a tuma lugar e desgracia aki na altura di DOW. Un motocicleta maneha pa e joven A.H. pa motibonan desconoci a perde control na e cruzada y a dal contra E manehador a haya varios rasca na curpa y cu ambulance a ser transporta pa hospital pa tratamiento. DIARIO a haya sa despues cu e por a regresa cas despues di tratamiento ya cu su heridananan no tabata di gravedad. E motocicleta a ser transporta pa warda di polis y cu bastante daño.

BEPDAJ NUNCA A PER
JUDICA NINGUN HENDE
NINGUN CAUSA NI NIN
GUN NACION


DiARIO

Bo Matutino
Netamente Arubiano

DI ARUBA

DIARANZON 10 APRIL 1985 AÑA 4, No. 1291

MITO GROES A CONSTATA FALTA DI GOBERNACION SOLIDO



Esaki ta un desgracia cu a sosode ayera mainta mas o menos 8.30 or na cruzada di Paradera. Un auto a subi caminda aki y a slip bay dal contra un truck ariba e caminda cutabata muha. Chofer di e truck a perde control ariba e vehiculo y esaki a lanta di bida y bay bolter den cura di cas di familia Dijkhoff, dal ariba rand di dak, y pega de muraya di cas. Ningun persona a ser herida den e cas. E señora cu tabata den camber na e momento ey, door di e impacto a sali di cas y na rudia a gradici Dios cu e truck no a drenta den camber of mas den e cas. E daño a ser calcula na mas o menos 40 mil florin. Un otro ocupante cu tabata den e truck cu e chofer a haya heridananan leve, sinembargo a ser transporta pa hospital pa tratamiento medico. Na e mes momento un otro truck a dal den un auto dilanti di e mes cas, pero sin cu tabata personanan herida.

UN

POCO

DI TUR COS

Jossy Mansur

E prome muher lanza den espacio tabata e Rusa Valentina Tereshkova, na aña 1963.

Aunque e diosnan griego y romano tabata ser atribui e poder di por bula, solamente un di nan, Mercurio, a yega di aparece den arte clasico pinta cu hala.

Supersticionnan relaciona cu Aña Nobo: drama salo ariba dia di aña nobo of kita cualquier clase di stof ta significa cu ta bentando fortuna tambe afo.

E toro salvaje mas grandi ta 'gaur' (bibos gaurus), di India y e parti sudeste di Asia. E ta alcanza un altura di 2 meter.

Un corredor (jogger), cu ta kima 100 caloria pa milla lo mester core un milla pa dia durante henter un aña pa perde 10 liber. Por cierto, bo por perde 100 caloria den un hora hungando carta!

Bo tabata sa cu un culebra cascabel recién naci tin mes hopi veneno cu un cascabel adulto?

Colombia ta un pais yen di orquidea. Na El Cañon di Rio Claro y e zoologico di Puerto Triunfo, tin 1,100 ejemplar di orquidea den pleno libertad y ambiente propicio, y ta un di e atractivonan di Medellin.

Entre e religionnan di Asia Oriental mester menciona 'Shinto', e antiguo religion di Japon, y cu por cierto no tin un fundador conoci. 'Taoismo', en cambio, a ser funda na China, segun tradicion door di Lao Tseu, na aña 500 Prome cu Cristo.

Na aña 1519 Cortes a inicia e conquista di e Aztecanan na Mexico.

Te aña 1979 e sentencia mas largo conoci ta esun di 381 aña cu un mucha di 16 aña a haya na Montreal na aña 1964. E joven a admitti ariba seis conteo di intento di asesinato y un serie di asalto arma.

Bo tabata sa cu e number mas comun na mundo ta Muhammad?

Tomati no tabata conoci na Italia prome cu Siglo 17. Awe su pasta ta forma parti di mayoria di e platonan italiano.

E Estado di Louisiana, na Merca, a haya su number na honor di Louis XIV, di Francia.

Universo ta e totalidad di tur cos. E hopi millon di galaxianan ta gira en torno di un punto central den Universo. Y cu cada revolucion nan ta bay alejando den espiral.

E cabey humano mas largo registra na aña 1949 tabata esun di Swami Pandarasannadhi, kende tabata tin un cabey di 26 pia largo.

E Papa Benedicto IX, di siglo 11, tabata tin apenas 23 aña dia cu el a muri! El a reina durante 12 aña, despues cu el a bira Papa cu 11 aña di edad.

Federico Chopin (1810-1849), e famoso pianista Polaco, a compone mas di 200 pieza pa piano. E tabata haya inspiracion for di e musica popular di su tera.

Un gazela di apenas 2 dia di edad por core mas duro cu un cabay adulto.

Na aña 1942 un piloto Ruso a cay for di su avion y a drop 21,980 pia te tera, sin un paracaida, y el a sobrevivir!

VICE PRESIDENTE JAYCEES INTERNACIONAL CERCA GEZAGHEBBER



ORANJESTAD(AAN)— Señor Khabir Uddin Ahmed, Vice Presidente di Jaycees International a haci un bishita di cortesía cerca Gezagebber Pedro Bislip.

Señor Khabir Uddin Ahmed, kende a nace na Dhaka, Bangladesh, a ser eligi aña pasa como vice presidente di e organización mundial y bao di su guía ta cay Bahamas, Belize, Bermuda, Antillas Hulandes y Surinam.

Señor Khabir Uddin a ser acompaña pa e Presidente di Jaycees pa Antillas, señor Tito Sapuana, Melva Ridderstap, Public relations officer pa Jaycees na Antillas y Valerie Simmons,

Presidente di Female Jaycees na San Nicolas.



DE SUPERMAP

E SUPERMAP ta un GEZINSMAP
Conteniendo 10 REVISTA di cualnan
henter familia ta disfruta di nan.

Con e prijs lo bai ta?
Esey ta depende di bo gusto y ta
cuminsa desde Fls.3,-

Wak bo mes den e lista di prijs.

Nobo Nobo	f.12,- pa siman
1 siman bieuw	f.10,50 pa siman
2 siman bieuw	f.9,00 pa siman
3 siman bieuw	f.7,50 pa siman
4 siman bieuw	f.6,00 pa siman
5 siman bieuw	f.5,00 pa siman
6 siman bieuw	f.4,00 pa siman
7 siman bieuw	f.3,00 pa siman

Leesportefeuille
"NOS PASA TEMPO"
Tel: 26246 of 26698
Serio Blanco 53
O'stad- Aruba

Panorama, Nieuwe Revu, Story, Viva, Privé
Libelle, Avondlectuur, Duitse Modeblad
Actueel y Robbedoes y Strips

Nos mes ta entrega y busknan te na
porta di bo cas.

Pa mas informacion y reservacion yama
na tel: 26246 of 26698 of na adres sriba
menciona



TA
BRINDA BO



E VERDADERO
MAYONNAISE

PA TUR
SNACK, SALADA
Y LO DEMAS.

CREAMY SMOOTH



CALIDAD, SABROSO!
GUSTA PA
GRANDI y CHIQUITO
NA HENTER MUNDO!

MITO CROES A CONSTATA FALTA DI GOBERNACION SOLIDO

ORANJESTAD(AAN)— Den e programa radial di AVP, Mito Croes a trece dilanti cu e funcionamiento di Staten ta kibrandu tur record.

Den e ultimo reunionnan publico, oposicion mester a forma quorum pa asina reunionnan por a sigui. Coalicion practicamente no por a yega na 12 miembro pa firma e

lista di presencia, segun Mito Croes cu a bisa cu ariba su mes esaki mester ta un señal pa gobierno cu e no ta goza di suficiente sosten den Staten y sigur no di dos tercera parti.

Mito Croes a agrega cu si tene cuenta cu un tras di otro partidonan di coalicion ta declara cu mester cambia e acuerdonan di

Mullet Bay, esta e base di e Gobierno actual, mester conclui cu na e momentonan crucial aki, Antillas no tin un gobernacion solido cu por remedia e crisis financiero economico y sigur no por trece solucionnan den e caos ariba tereno si estructura estatal cu Gobierno mes a crea.

Segun e exponente di AVP, e falta di seriedad di

gubernantenan actual ta refleha su mes tambe den e e calidad di proyectonan di ley cu ta wordo entrega den Staten, loke ta encera cu na ultimo momento mester core drecha e proyectonan.

Mito Croes a ripiti durante e programa radial lokê el a bisa den Staten, esta cu e ley encunto fondo di pension, cu tabata

aplicable pa trahadornan di Lago tambe, a ser introduci na ultimo hora, sin ningun clase di seriedad.

Segun Mito Croes tambe ta importante pa aki na Aruba nos tur traha pa hisa e nivel di politica y pa introduci atrobe e normanan di etica, entre cual tambe esnan di sinceridad y credibilidad.

TURISTANAN NORTEAMERICANO TA GABA ARUBA

ORANJESTAD(AAN)— Oficina di Turismo di Aruba na New York a ricibi un carta di señora Linde Volpe, kende ta duna su impresion personal di Aruba. E traduccion di e carta ta bisa:

"Tin bez ora un hende skirbi un carta ta pa duna keho, pero ami ta spera cu e carta aki lo haci bo sinti

bon. Siete aña pasa mi casa cu mi a bishita Aruba y nos a enamora e isla por completo. Despues di e bishita aki, nos a bishita diferente otro isla, cu e pensamiento y despues di a tende cu tur isla ta mescos, pues pakico bolbe Aruba".

Pero tabata un gran equivocacion. Ningun di e

otro islanan por ser compara cu e beachnan bunita di Aruba, e hendenan di Aruba ta esnan mas cariñoso y semper nos ta gaba Aruba.

Mas o menos un aña y mey pasa, nos a planea otro vacacion y e recordnan di Aruba a pone nos regresa e isla aki. E beachnan ta te ainda e mihor-

nan. E hendenan ta mes cariñoso y e amor pa bo isla ta keda existi.

Atrobe nos mester planea otro vacacion. Durante un siman largo nos a repasa tur sorto di folleto turistico, en busca di algo manera Aruba.

Despues di hopi bruhamiento y desilusion, nos a realiza cu no tin un isla

cu por ser compara cu Aruba.

Nos a cuminza hari. Aruba ta e sitio ideal pa vacacion. Di e manera aki pa tercer bez den siete aña, nos ta bayendo Aruba y e biaha aki no tin otro pensamiento, manera e isla por cambia, pasobra nos sa cu bo

Sigui lesa pag. 11

ACTRIZ DI FAMA MUNDIAL NA ARUBA

Ingrid Thulin encanta cu Aruba

ORANJESTAD(AAN)— Durante Semana Santa Manchebo Beach Hotel tabata hogar di un pareha importante cu a bishita

nos isla.

Ta trata aki di e actriz sueco, mundialmente conocida, Ingrid Thulin, y su esposo influencial Harry

Schein.

"Nos ta masha encanta cu e isla aki. Nunca antes nos a yega di tende di Aruba, apesar cu nos ta-

bata den Caribe na varios ocasion. Pero boso por ta sigur cu nos lo regresa", e pareha a laga sa.

Ingrid Thulin a yega di actua den mas di 60 pelicula den 13 diferente pais cu ta for di Suecia te na Hollywood, y cu director nan di fama mundial manera entre otro Ingmar Bergman y Vincent Minelli. Cu Burt Lancaster el a actua den "Moses" y den "The Cassandra Crossing", tambe el a actua entre otro cu Glenn Ford Robert Mitchum, Sophia Loren, y Liv Ullman.

Su esposo ta ocupa posicion influencial den Banco di Inversion di Suecia y ta presidente di Corporacion di Transmision Sueco, y tambe e ta presidente di directiva di Direccion di Garantia di Credito pa Exportacion, cual organizacion ta esun cu ta duna credito a pla-

zo largo relaciona cu exportacion sueco pa paisnan di tercer mundo.

Thulin recientemente a filma e pelicula "The Rehearsal" dirigi pa Ingmar Bergman, cual pelicula a ser filma na Stockholm, Suecia, y cu actualmente ta ser presenta na Paris.

Durante su oranan liber na Roma e ta duna les di pelicula y teatro, y esaki na dos school di arte y cinematografia.

Segun su esposo, como cu nan tabata na Caracas pa asuntonan di negoshi, nan a tuma un siman di vacacion pa bishita Aruba, y ta masha contento di a conoce e isla aki, y cu pronto nan lo ta back tambe, pa disfruta mas di Ariba e foto adunto por mira e actriz, y su esposo hunto cu Sr. Ewald Biemans, General Manager di Manchebo Beach Hotel.



DOS DETENCION RELACIONA CU LADRONICIA

ORANJESTAD(AAN)—
Diadomingo merdia, pa mas o menos 12.28 or, doño di un snackbar na Dakota a drenta den su negoshi y a bin ripara cu den madrugada, ladronnan abishita e snackbar.

Nan a kibra bentana y a horta 400 florin cu tabata den cushina, y for di caha di placa a bay cu mas o menos 100 florin.

Fuera di esey, nan a drenta den localidad di venta y a bay cu algun bleki di sauseishi, bleki di sardin y pan.

Diasabra merdia propietario di un cas na Tarabana tambe a denuncia robo cu a tuma lugar na su cas.

Ladronnan a forza porta y a horta 4 bleki di sardin y un radio cassette player di mas o menos 500 florin.

Enconecion cu e dos casonan aki, dialuna recherche a aresta e conocido di polis O.W. di 32 aña cu ta biba na Tarabana y cu aparentemente lo ta e persona cu a drenta den e cas.

Durante interrogacion el a desmenti di sa algo di e caso aki, sinembargo a keda deteni pa mas interrogacion.

Ora cu recherche a caba di interroga O.W. nan a bay su cas na Tarabana y den plafon a haya placa cu e tabata tin escondi.

Como cu e cas caminda e ta biba ta reparti den dos nan a bay controla e parti di cas aki tambe y a topa cu R.C. cu ta biba eyan.

Den habitacion di RC a ser haya algun habon di laba paña, bleki di sardin y varios articulo mas cu

aparentemente lo ta di ladronicia.

RCA tambe a keda deteni pa mas investigacion

y pa duna cuenta con el a haya e articulonnan aki.

PSEUDO RECHERCHE DETENI NA AEROPUERTO

ORANJESTAD(AAN)—
Un figura cu kier a play recherche, P.L. di 30 aña a ser aresta na aeropuerto na momento cu e kier a viaja pa Hulanda, y na lugar di pasa su vacacion na Hulanda, el a pasa esaki den "suite di hotel Warda di Polis".

Motibo di aresta e homber aki ta cu diahuebs el a bay play recherche.

E tabata den auto cu un persona y a bisa e chofer cu e sa cu e chofer ta anda den negoshi di droga.

Pa e no aresta e chofer, y pone den man di recherche el a exige di e chofer 300 florin pa tapa tur

cos. Pero ora cu nan a yega Village, el a bolbe pidi

e chofer pa 100 florin mas.

HASTA POTCHI DI WC A SER HORTA

ORANJESTAD(AAN)—
Dialuna merdia e homber F.M. cu ta biba na Pos Chiquito a presenta na warda di recherche pa denuncia un caso di ladronicia cu a tuma lugar na un cas den construcion na Pos Chiquito mes.

Aki ladronnan no a bay solamente cu 4 emmer di verf, un zaag electrico, 4

yabi di porta, pero nan a baha na awa tambe cu potchi di W.C. y su tanki, un machine di corta mosaico, mas o menos 30 pida asbest, un cirkelzaag y un zaag di traha figura.


Segun e denunciante tur e articulonnan horta ta di mas o menos 5000 florin na balor.

E caso aki ta ser investiga.

Driving
enjoyment


HONDA®

CIVIC




2-door Hatchback
Advanced technologies

Body design with
distinct individuality



PRELUDE



ACCORD

4-door Sedan



HONDA

BUY QUALITY

It's worth the difference.

ARUBA TRADING CAR COMPANY.

Rondweg 1. Tel. 21653-21648.

POEMA DEDICA NA ARUBA

ORANJESTAD(AAN)—
Señora Diana Acuti di
New York y su familia
durante e ultimo tres aña
a bishita Aruba dos bez.

Cada biaha di nobo nan
a disfruta di nan estadia na
Aruba. E hendenan ama-
ble y e bunita beachnan
a impresionar e familia
Acuti masha hopi mes.

E yiu muher di Claudia
di 11 aña a keda asina en-
canta cu Aruba cu na mo-
mento cu e mester a skirbi
un poema pa su school, el
a escoge Aruba como su

topico.

Den e poema e ta
describi e beyeza di e
isla di Aruba y e ta bisa:

ARUBA

Wind thrown against the
white sand

Water blue and clear

As your feet rub against
the coral

Your legs glide in the
water




Warm and clean

The water flows

No waves just calm flow-
ing.

TEXAS

FURNITURE STORE



TUR SORTO DI CASHI CUSHINA
CU SINK PA LABA PLATO

TAMBE NA PIDA - PIDA
DI Fls. 165,- PARIBA.

REY DI DROGA QUINTERO A RETIRA SU DECLARACION

MEXICO: E rey di droga
di Mexico, Rafael Caro
Quintero a retira su de-
claracion anterior di su
envolvimiento den trafica-
cion di droga y asesina-
to di e agente di DEA
y su piloto, Enrique
Camarena y capitan Al-
fredo Saval Avelar dia 7
di februari e aña aki na
Guadalajara.

El a laga sa cu e decla-

cion cu el a haci tabata
pa motibo cu polis a tor-
tura su persona y forze
pa declara contra su mes.

Quintero a ser aresta
diahuebs ultimo na Costa
Rica y entrega na Mexico

El a bisa cu el a admiti
despues cu 60 ora polis
a interrogue sin sosiego. E
agentenan tabata basha
awa den su nanishi, dal e
y no tabata dune awa ni

cuminda. E no mag a bay
excusado tampoco.

El a declara dilanti juez
di investigacion di no tin
absolutamente nada di
haci cu asesinato di e
agente di DEA, e departa-
mento americano cu ta
combati droga, ni di e pi-
loto. E dosnan aki a ser
secuestra y un luna des-
pues e cadavernan a ser
haya y e caso aki a afecta
e relacion entre Estados

Unidos y Mexico, ya cu
Merca a acusa polis Mexi-
cano di ta defende esnan
envolvi den droga.

Quintero a admiti den
su delcaracion nobo si cu
e tabata paga polisnan
bao di mesa y entre nan e
hefe di polis judicial cu a
ser retira, Armando Pa-
von. Cu pago di placa
bao di mesa na po-
lis el a logra sali di Mexi-
co despues cu e cadaver-
nan a ser haya.

El a bisa cu mensualmen-
te e ta paga mei millon
dollar na un comandante
di polis den estado Chi-
huahua pa proteccion di
su fincanan di marihuana
unda polis a envadi na
November y confisca 8
mil tonelada di marihua-
na cu a ser kima despues.

Esaki a costa Quintero
240 millon dollar. Segun
un socio di Quintero, esa-
ki tin 300 finca.



Ariba e combinacion di foto aki por mira e auto cu
a dal den e truck cu a bolter den cura di cas di fa-
milia Dijkhoff na cruzada di Paradera, y tambe por
mira manehadora di e auto cu un rato despues na e
mes sitio a dal den otro truck, ayera mainta.

MUCHA MUHER DI 18 AÑA

Cont. di pag. 1

aña, mientras cu e histo-
ria di su bida cu a ser re-
parti door di medianan
di comunicacion, ta bisa
cu e tabata tin 16 aña y
cu e ta di Anquon sur di
Sidon.

Segun vocero di e fren-
te, kende ta esun cu na
varios ocasion ta duna in-
formacion di accionnan
guerillero contra eherci-
to Israeli na Libanon, e
atentado a tuma lugar ari-
ba un subida cerca di
Jezzine cu ta keda na 29
kilometer zuidoost di
Beirut. E convoy cu no
tabata consisti di sola-
mente trucknan militar
pero tambe di tankinan
di guerra, tabata pa prepa-
ra retiro di soldatnan is-
raeli for di Libanon.

Esaki tabata e tercer
accion suicidio contra
ehercito di Israel den e
area aki, den un luna di
tempo. Dia 10 di maart

durante un atentado na
Metullah, 12 soldat a per-
de nan bida y 14 a ser
herida. Dos dia despues,
den un incidente similar

un soldat a muri. Desde
invasion israeli na Liba-
non for di 1982, 647 sol-
dat a perde nan bida.

OTRO CARTA DI REAGAN PA GORBATSJOV

SANTA BARBARA: Pre-
sidente Americano Ro-
nald Reagan ayera a di-
rigi otro carta na lider
sovietico Michail Goba-
tsjov, cual carta el a en-
treaga na presidente di Cas
di representantenan Thomas
O'Neil, cu awe lo tin un
encuentro cu Gorbatsjov.

Un funcionario di Cas
Blanco, kende kier keda
anonimo a bisa cu Rea-
gan kier haci uso di e
bishita di O'Neil pa duna
Moscu un splicacion claro
cu e kier yega na un solu-
cion di e prob lemanan
cu tin entre e dos paisnan

y cu e ta interesa den un
encuentro cu Gorbatsjov.

Vice presidente George
Bush dia 13 di maart a
entrega caba un carta di
Reagan na e lider sovieta-
co dia cu el a asisti na e
entierro di lider di partido
Konstantin Tsjernenko.

Den e carta ey tambe
Reagan a muestra di ta in-
teresa den un encuentro
cu Gorbatsjov.

E lider sovietico a acep-
ta e invitacion pero no a
bisa unda e kier topa cu
Reagan y ki dia esaki lo
ta.

LOKE TEMPO TA MUSTRA

E tempo di awe lo no tin cambio segun pronosticacionnan. E lo ta mescos cu ayera cu posibilidad pa un yobida localmente. Pero un advertencia ta bay si pa personanan na lama pa tene cuenta cu e coriente di lama cu tin actualmente, ya cu tin biento fuerte, y e corien-

te ultimo dianan ta hopi fuerte.

Especialmente mester tene bon bista ariba muchanan cu ta na lama, pasobra no por confia e coriente di lama, y ademas di esey, pa muchanan lo ta dificil pa lucha contra esaki.

GRUIS PA SPANTO

ORANJESTAD(AAN)—Despues di e desgracia ayra mainta cu e truck carga cu gruis a bolter den cura di un cas na Paradera, tabata tin varios version humoristico cu por a ser scucha. Un tabata cu 'Escena di Cabaret Picante a ser ripiti' cual ta un di e escenan cu a ser presenta algun tempo pasa pa Studio 84 den Cabaret Picante. Otro version taata cu doño di cas a haya un cargamento di gruis pornada, pa por cuminsa prepara reparacion na su cas. E desgracia tabata topico di dia ayera.

AGENDA ARUBA

AMBULANCE:
O'stad Tel: 21234
San Nicolas Tel: 45050

HOSPITAL:
Tel: 24300
POLIS:
Tel: 100
CENTRO di ALARMA
Tel: 115
TAXI STAND
Oranjestad Tel: 21604
San Nicolas Tel: 45160

DOCTOR na WARDA
Awe diarazon 10 di april.
Dr. Cheung, Centro Clinica S.n
tel.48833 of via di Hospital
tel. 24300



DIRECCION
Wilhelminastraat 81

TELEFON
Redaccion - 22207
Administracion - 26747

PREIS DI VENTA
Abonado - Fls. 14 pa luna
Venta Los - Fls. 0.50 c/u

HOROSCOPO

Presenta pa. Tel: 45344

CASA NENA

Den Promenade na San Nicolas
Pa tur sorto di Muebles na prijs barata.
Artefactonan electrico, manera: Frigidaire y
Stoof, tambe pa Matras mas economico.



ARIES(21 maart-20 april)
Laga un persona keri of bo casa tuma e iniciativa.No bira terco.



TAURUS(21 april-20 mei)
Por tin tardanza awe nochi,un persona keri por laga planta.No worry mucho pa esey.



GEMINI(21 mei-20juni)
Loke bo haci awe por duna bo satisfaccion y alegria despues.Na trabao por tin problema of un situacion bruha.




CANCER(21juni-22juli)
Cosnan cu bo a descuida pa basta tempo wak pa bo drecha nan.Ayudo na otro hende lo ta bon pa bo mes.



LEO(23 juli-22augustus)
Bo ta mucho exigente cu un hende.Esey no ta bon,despues ningun hende no ta worry mucho cu bo mas.



VIRGO(23 augustus-22september)
Dedica un tiki di un tempo y atencion na personanan mayor.Awe tur cos ta mustra bon.



LIBRA(23 september-22oktober)
No tur cos ta bai manera bo ta desea awe. Busca un caminda di bai.



SCORPIO(23 oktober-22november)
Purba di hanja un tiki di sosiego extra awe. Haci un yamada telefonico na cas di un amigo bieuw.



SAGITARIO(23november-21december)
Pasenshi ta algo grandioso,no lubida esey ora tur cos ho bai segun bo kier.



CAPRICORNIO(22december-20januari)
Lo ta miho pa awe tambe bo tene bo calmo y trankilo.Keda cu bo amigonan cu bo cono ce bon.



AQUARIO(21januari-19februari)
Bai poco poco si ta trata di asunto di placa. Bo mester demostra cu bo a gusta un regalo cu bo a hanja.



PISCIS(20februari-20maart)
Busca un caminda di bai awe nochi,bai un cine.Busca amistadesnan nobo.

PA ULTIMO VIDEO FILMS

TV - VIDEO REPAIR

PIEDRA PLAT ENTERPRISES

Wilhelminastr. 115

TEL:27733

"TRIUN IN CONCERT"

DIARAZON 10 DI APRIL 1985

DEN CAS DI CULTURA

Lo bai tin UN SHOW pa 9'or di anochi

ENTRADA: \$ 5,- (8.75)

Caarchinan obtenoble na: CAS DI CULTURA

TELEARUBA

Wed. April 10

6:00 Studio Sport

6:45 Colorina

7:30 Ripity y gana

8:00 Telenoticias

8:30 Sanford

9:00 More real people

9:30 German football

10:30 repeat telenoticias

11:00 Sign Off

Bo tin gana di bay

Punto Fijo?

Ban ku Prop-Jet di

ODUBER AVIATION

jama 26975 of 23080

BOTANICA 'ASTRO SUERTE'

BO UNICO Y ORIGINAL CENTRO DI SUERTE AKI NA ARUBA

ARENDSTR.No. 22A TEL 23628

"LA SIBILA"

BO PALACIO DI SUERTE

KERKSTR. No. 13 - Tel. 23811

CAMINDA UN Y TUR TA COBRA SIGUR !

TACHIRA 20901 31472 80249

ORIENTE 80594 09504 02955

RESULTADONAN DEN AJEDREZ

ORANJESTAD(AAN)—Segun participacion di e asociacion di ajedrez na Aruba, a bini algun cambio den hoofdklasse.

Wolsely Pandt cu te cu e septimo partido tabata invicto, a perde su ultimo dos partidonan contra respectivamente Omar Booi y Percy Denz.

Octavio Croes a perde contra Wolsely Pandt y a hunga remise contra P. Denz, cu resultado di

un y mey punto di perdida pa Octavio Croes.

E standing den hoofdklasse ta awor: 1 y 2 O. Croes y O. Booi cada uno 7 y mey for di 9.

3. W. Pandt cu 7 for di 9.

4. P. Denz cu 5 y mey for di 9.

5. W. Croes cu 4 y mey for di 9.

6. A. Juddan cu 4 for di 9.

7. J. Roose cu 3 y mey

for di 9.

8. S. Verstrate cu 3 for di 9.

9. R. Martina cu 2 for di 9.

10. E. Correia cu 1/2 for di 9.

O. Croes y O. Booi cu ta comparti e promer lugar den un encuentro decisivo mester a determina kende lo a bira campeon di Schaakvereniging Aruba. E partido decisivo tabata tin un desaroyo interesan-

te. O. Booi, kende a hunga cu blanco, a escoge na forma sorpresivo pa e apertura Catalano. Croes cu no a spera esaki, a escoge inmediatamente pa bandona e conocido caminda Catalano.

Den un huega dificil, Croes a tuma e direccion y despues cu el a ejecuta un serie erroneo, Booi lo por a haci e wega drenta un situacion di remise. Pero Booi no a ripara

esaki.

Despues di e esey, e wega a desaroya rapidamente na favor di O. Croes, cu a bira pues e campeon di Schaakvereniging Aruba pa e aña 1984-1985.

Dia 10 di April competencia nobo pa campeon di Aruba ta cuminsa. Tur esnan interesa, tanto miembro como no miembro di e organisacion ta ser pidi pa participa.

LOTTO LO HUNGA TUR DIALUNA

ORANJESTAD(AAN)—Debi na e tantisimo trabaonan administrativo cu e gran venta di lotto e sorteo di siman pasa a tuma lugar ariba Diamars

9 di April via Tele Aruba. Fundacion di lotto a participa cu gran satisfaccion cu e promer premio ta fls. 41.689 y e segundo premio 19.160.02. Un total di 37 mil

formulario a ser bendi. Mirando e interes grandi den lotto pa Deporte a dicidi cu ultimo dia di venta entrante e siman aki lo ta tur Diahuebs atardi 4 or y e sorteo

lo ser efectua tur Dialuna anochi pa 8 or atravez di Tele Aruba.

Fundacion ta spera di e forma aki lo dunan un mihor servicio na e parti-

cipantenan. Alavez ta haci un suplica na e rebendendornan pa keda pendiente pa e proximo reunion organisatorio y informativo, cu lo wordo anuncia pronto.

BISHITA EXITOSO DI VOLVOX NA BONAIRE

ORANJESTAD(AAN)—S.V. Volvox durante weekend cu a pasa a haci un bishita exitoso depor-

tivo na Bonaire. Diasabra atardi nan a enfrenta Gold Finch den un partido di korfbal y a

gana 4-0 cu korfnan anota pa Ruben Krozendijk, Shirley Willems, Eveline Everon, y Anthony Krozendijk.

Den e knockout organizacion pa Gold Finch diadomingo, Volvox a empata cu Butterfly 1-1 cu korf anota pa Anthony Krozendijk. Den tiramento di penalty despues, Volvox a bin perde 2-1.

Pa Volvox tabata Glenn Gumbs cu a score e penalty, pero Volvox sin embargo a keda elimina.

Volvox a gana su partido di softball 8-5.

Frederic Krozendijk tabata e pitcher ganador y Ivan Penja a percura pa un homerun den e wega aki.

Dialuna mainta Volvox a hunga su ultimo partido di korfbal contra Ate.

Brenda Maduro, Ivan Penja(dos biaha) y Ruben Krozendijk a anota pa Volvox gana 4-1.

Gold Finch presidi pa Sra. Elga Carlo a percura pa e bishita di Volvox aki na Bonaire tabata un bishita inolvidable.

DIOS ESTA VIVO !

El domingo en el mundo cristiano celebramos el "Dia de Pascua" la buena noticia de que Dios está vivo.

Si querido lectores: Despues de veinte siglos, seguimos sosteniendo la fé y la alegría de un Dios que está a nuestro lado, caminando con nosotros en la derrota y en el fracaso como lo hizo con los discipulos de Emaus.

A veces nos vemos rodeador de cosas materiales, disfrutamos como es natural de un día de campo, de una noche bailable con el grupo Daiquiri, pero al final todo pasa.

El es Quién llena realmente nuestras vidas.

Todos llevamos adentro ese Dios vivo, porque igual que consoló en el dolor y soledad a María Magdalena, sigui haciendo hoy. El no es un ser majestuoso lejano y ajeno a los problemas actuales, a pesar de nuestras faltas de cada día, sigue con nosotros por eso consideremoslo "El Amigo que nunca falla".

Porque si el mundo hubiera sido justo no tendría sentido Su pasión,

muerte y resurrección.

Dios esta vivo, en la pureza de un niño y en los que pecamos. En un bello amenecer y en aquel que vive en la obscuridad del vicio. En aquella persona agradable y también en la que nos ha herido.

Esta vivo en la juventud Arubana, en ese grupo que con fervor y espíritu de sacrificio participó acompañandolo en la pasión del Viernes Santo.

Que éste sea un ejemplo para aquel joven "X" o "Y" y que halla sido víctima de la droga, es el momento de levantarse porque en él también Dios vive.

El no tiene en cuenta nuestras caídas sino el valor para sabernos levantar.

Como los discipulos de Emaus, digamosle Usted y yo: "Quédate con nosotros Señor, que el día ya declina y nos asecha la tentación".

Gracias al DIARIO por permitirme éste espacio y hasta la próxima, amigos lectores.

R. MAESTRE.

RCA A FORZA WEGA DECISIVO

ORANJESTAD(AAN)—Den e pre-campeonato di futbol hunga na RCA, e equipo di cas ayera anochi cu goal di Wendell Paula den prome tempo a forza un wega decisivo den e final di e torneo, ganando 1-0. Arbitro Kees Bosse tabata tin e wega bon controla ya cu na varios ocasion e partido a bira masha bruto.

MAS VICTORIA PA FRIESCHE VLAG

ORANJESTAD(AAN)—Den little League ayera, e equipo di Friesche Vlag a logra otro victoria ganando Sta. Cruz Rockets 18-1 cu 12 hit contra 3, y cu e perdedornan cometiendo 5 di e 6 erronan di e wega. Clifford Bislick tabata e pitcher ganador y e perdedor a resulta Jerry Agumbero. Mior Bateador na Friesche Vlag tabata Sidney Boekhoudt 3-2, Jose Lacle cu 4-2 incluso homerun, Silvester Bislick cu 3-1 y Dennis Croes cu 3-2. Pa Rockets Reynold Semeleer 2-2 y Gerardo Rasmijn 1-1.

Reclamo y informacion
DIARIO
Yama telefon 26747

DEPORTE

PELEA PA TITULO MUNDIAL

ORANJESTAD(AAN)—Dia 4 di mei Aruba Concorde Hotel y Casino ta presenta un pelea pa campeonato mundial di peso gallo di WBC entre e Mexicano Daniel Zaragoza y e americano Freddy Jackson.

Aruba Boxing Commission ta duna mas importancia na e pelea aki y ta segura e fanaticonan di boxeo cu un esfuerzo hopi grandi lo ser haci pa e programa aki no tin ningun fallo.

EDWIN PIZZA A DIRIGI PARTIDO NA ARUBA

ORANJESTAD(AAN)—Durante fin di siman cu a pasa, e conocido umpire di Curacao, Edwin "Piewie" Pizza tabata na Aruba. Ariba invitacion di Benito v.d. Biezen, el a bay weganar di little league y na Little League Ballpark a duna su coope-

racion pa dirigi partido entre Aruba Lions y Aruba Bank, cual a ser masha elogia pa no solamente directiva di North League pero tambe di parti di e cuerpo di umpire cu e aña aki ta cumpliendo te awor magnificamente cu little league.

HEILIG HART COLLEGE CAMPEON VOLLEYBALL ESCOLAR



ORANJESTAD(AAN)—Idefre recientemente a organisa un torneo di volleyball escolar pa schoolnan basico. E weganan a ser hunga den tres diferente categoria, esta mucha homber te cu 11 aña, mucha homber 12 aña y mas y mucha muher. E alumnonan di Heilig Hart di Savaneta tabata debidamente prepara. Nan a titula campeon den tres categoria.

Filomena College a bira subcampeon den categoria di mucha homber te cu 11 aña.

Den categoria di mucha homber 12 aña y mas Filomena College a bira subcampeon, mientras cu den categoria di mucha muher, Colegio Santa Theresita a bira subcampeon.

E weganan final a tuma lugar siman pasa Diahuebs na Filomena College. Tabata presente Freddy

Refunjol di Heilig Hart College, funcionarionan di Idefre Nelson Theil, Glenroy La Rosa y Jerry Gomez, coordinador di deporte escolar.

Idefre a gradici tur esnan kendenan a contribui na e exito di e torneo especialmente e arbitronan, Octavio Woodley, Ricardo Arnell, Tootsy Richardson, Nieves Velazquez y Angel Milliard.

A INDIA SPONSERED pa MALTA INDIA SPONSERED pa MALTA INDIA SPONSERED pa MALTA INDIA SPONSERED pa MALTA INDIA

MAS RESULTADO DI LITTLE LEAGUE

FRIESCHE VLAG a gana RAMCO 4-3 cu 9 hit o error cometi. Ramco a comete un total di 4 error durante e partido. Olinda Kock, pitcher ganador a lanza un no hitter pa e ganadornan. Pitcher perdedor tabata Rudolph Angela. Mihor bateador pa friesche Vlag tabata Silvester Bislick cu 3-2.

KENTUCKY a gana STA CRUZ ROCKETS 14-0 cu 2 hit 2 error. Sta. Cruz tabata tin 7 hit conecta y a comete 3 error. Pitcher ganador tabata Anthony Irausquin y perdedor Sannin Daou. Mihor bateador pa Sta. Cruz tabata Gerardo Rasmijn 1-1, Anthony Bikker 2-1 y pa Kentucky Michael Barera 4-2 y Anthony Irausquin di 3-2.

ENNIA a gana AMERICAN STANDARD 5-4 cu 3 hit y 3 error. American tabata tin 2 hit y un error. Raymundo Dijkhoff tabata e pitcher ganador y Norman Henriquez e pitcher perdedor. Mihor Bateadornan a resulta pa American, Milko Baiz cu 3-1 y Norvel Fransisca cu 2-1, y pa Ennia Raymundo Dijkhoff, Lloyd Wever y jeffrey Matos cu 3-1 cada.

SEGUROS MANSUR a blanquea TOYOTA cu score di 24-0 den one hitter lanza pa Lambertus Bratinga. E pitcher perdedor tabata Gilbert Gil. Pa Seguros Mansur, mihor bateadornan tabata Albert Marchena cu 2-2, Omar Pannefleku cu 3-2 y Lambertus Bratinga cu 2-2 y pa Toyota, Gilbert Gil 2-1.

ARUBA BANK a gana RICELAND RICE 9-6 cu Andre Lacle ariba monticulo. Aruba Bank tabata tin 4 hit y 4 error contra 10 hit y 4 error di e perdedornan. Pitcher perdedor a resulta Vernon Alberts. Mihor bateadornan pa Aruba Bank tabata Roland Franken cu 3-2, Eugene Benita cu 5-2 y pa Riceland Rice, Veron Albertsz cu 3-2, Gregory Odor cu 3-2 y Omar Robert cu 5-2.

SEGUROS MANSUR a gana tambe di VAD 14-2 cu 7 hit y sin comete ningun error. E perdedornan tabata tin 3 hit y a pifia no menos cu 13 biaha durante e partido aki. Pitcher Ganador tabata Nelson Tromp y e perdedor Aschwin Laaf. Mihor bateador pa Seguros Mansur tabata varios. Ardiño de Kort cu 2-1, Malvin Orman cu 3-1, Harold Bruges cu 4-1 mescos cu Omar Pannefleku.

Ayera PIF PAF a gana RAMCO 13-1 cu 12 hit y sin comete error. Ramco tabata tin 3 hit y 2 error. Pitcher ganador Edward Leo y e perdedor Carlos Willems. Mihor bateadornan pa Pif Paf tabata Alberto Campbell 2-2, Anthony de Graaf 3-3 y Lisandro Tromp 3-2 y pa Ramco Renny Willems 3-1, Erwin Julia 1-1 y Aparicio Roga 2-1.

SPONSERED pa MALTA INDIA SPONSERED pa MALTA INDIA SPONSERED pa MALTA INDIA SPONSERED pa MALTA INDIA

VELDLOOP FRANSE PAS TABATA EXITOSO

Cu 13 categoria di atleta

ORANJESTAD(AAN)—
Un cantidad grandi di at-



Allan Arrindell dilanti luchando cu Detlef Hooyboer den 700 meter B pupillen, gana pa Allan.

leta tanto pupillen, senio-
ren y veteranonan mascu-



Derick Lopez cu a termina na segundo lugar den 1000 meter Juniores D.

lino y femenino a participa den e Veldloop Franse Pas pa e seis caredanan cu tabata tin di 1000, 2000 3000 y 4000 meter.

Tur e caredanan a cuminsa y termina na e cecrito di ruinan di e mina di oro bieuw.

Guido Frederiks a gana den categoria B junioren e careda di 3000 meter den 12 minuut 19 seconde, sigui pa Anthony Brown den 12.44 y Aldrick Farro cu 14.13.

Den senioresn damas, e mes distancia, Lia Melis a termina prome den 12.45 minuut sigui pa Nel Geerings den 14.04.

Den 4000 meter, junioren A masculino, Gabriel Franken a gana den 17.55 minuut. Den senioresn caballeros Ronny dos Santos a impone den 14.52 minuut sigui pa Gerald Arrindell den 15.59 y James Burnett den 16.42. Por a ripara cu Ronny a recupera su forma bieuw y tambe cu James Burnett ta progresando hopi den e caredanan aki.



July Toddé ta drentando na di tres lugar den 1000 meter mucha muher junioren C.

E careda a ser gana pa Saskia Corneli den 4.42 sigui pa Joseany Geerman den 5.26 July a core den 6.02.

Den veterano masculino, e ganador tabata Eddy Thode den 20.20 un triunfo cu Eddy a busca pa hopi tempo den atletismo ultimo lunanan. Huub Driessen a termina segundo den 22.14.

E careda di 2000 meter mucha homber C a ser gana pa Andy Gomez cu ta birando un bon atleta, den 9.06 sigui pa Hubert Conradus den 9.16 y Oswald Tromp den 9.17.

Den pupillen A mucha muher, e ganador tabata Adeline Geerman cu ultimo tempo ta muestra cu Aruba por conta cu un bon atleta femenino den

futuro, y el a gana den 7.11 minuut, sigui pa otro prospecto cu bon estilo di coremento, Adeline Gomez, den 7.27.

Pupillen A mucha homber tabata tin como ganador Jidel Mejia cu tambe a progresa hopi y ta birando bon atleta, sigui pa Siger Spaans cu tambe ta den bon caminda mescos cu Rowald de Graaff. Jidel a gana den 4.26, Siger a termina den 4.28 y Rowald den 4.29.

Desiree Arrindel a gana

Segui lesa pag. 14



Siger Spaans aki ta dilanti di Rowald de Graaf den 1000 meter pupillen A cu a ser gana pa Jidel Mejia sigui pa Siger y Rowald.



Jidel Mejia yegando final cu sprint den 1000 meter A pupillen.



Andy Gomez cu Sprint ta ganando careda di 2000 meter.



Ivan Roza ganador di 1000 meter D. junioren.



Adeline Gomez a haci esfuerzo pero no por a yega prome cu Adeline Geerman den 1000 meter Pupillen A.



Margot Spaans ganando e careda di 700 meter, den categoria femenino pupillen B, sigui pa Jos Hermans cu a yega na tercer lugar den e categoria aki pero di mucha homber.

HOME VIDEO MOVIE PRODUCTION

Wedding, Anniversary
Dedication, Family reu-
nion, Parties, Get together
Church Program
For all Occasion
TEL: 47079

TROMP CEMENT PRODUCTION
conoci pa calidad den Blokki
di cement, ta ofrece awor:
Blokki 4" masief a f.1.-
Blokki 6" masief a f.1,50
Entrega.
Traha machinal cu e mundial-
mente conoci Columbia Ma-
chine. Tel: 24594.
TANKI LEENDERT 203A

Bo sa cu ademas di
Drop nos tin hopi sorto
di nechi? Curú of hasá
Naturalmente
SUMMERTIME
atrobe

TA HUUR
LOADER CHUBATO
Fls. 50,- pa ora
TRUCK gr. 15 yrd.
Fls. 40,- pa ora
TA ROSA CUNUCU
YENA FUNDESHI ETC.
Pa informacion yama
Tel: 21329

SERVICIO FINANCIAMIENTO
- Botin auto pa bende ?
- Bo kier compra auto ?
- Mester di financiamento
pa Bo mes of comprado
di Bo auto ?
Contact nos na
Tel. 21171
entre 8.00 pa 12.00
Nota. Unicamente
autonan di 81 pa 85.

"BLOKKI" ARUBIANO N.V.
adres Moko 30
Tel: 25370
BLOKKI - 6duim fl.1,47
BLOKKI - 4duim fl.0,97
BLOKKI - Precies
BLOKKI - Entrega

NO MISHI CU E VENENO CU YAMA DROGA.
DROGA NO TI!
FADA

TA HUUR
TA HUUR APARTAMENTO
full muebla, incl. awa, luz y
gas y aircó.
Prijs Fl.550,- pa luna
Tel. 27006

TA BUSCA
TA BUSCA
Un DAMA pa trabao
di cas y cuida un
anciana
TEL: 24758

BOTICA ARUBA
tin mester di
ALGUN BENDEDORA
cu ta competente pa bende.
edad 18 - 20 aña
Solicita personalmente entre
10'or y 12'or di merdia
na
BOTICA ARUBA

TA BUSCA
Un hende pa hiba 2 mu-
cha homber school
(10/5 aña) na playa
Adres Wayaca 84
Solognier Alberto
tel. 24300 ext. 166
entre 7'or pa 3'or

Nos tin trabao pa un
MUCHA MUHER
Pa yuda den drechamen-
to di holoshi y joyas, con-
testa telefoon, traha saco
di reparatie etc.
Esun cu experiencia cu e
trabao aki ta hanja prefe-
rencia. Pasa personalmen-
te na
PERFECT TIME
Windstraat 22. Tel. 26075

TIN MESTER DI UN
First Class CARPINTE
First Class ELECTRI-
CIEN.
cu hopi experiencia
Por yama 28855
pa mas informacion

TA BUSCA
Pa compra, un bicicle-
ta di careda Segunda
mano den bon condi-
cion.
Contact . Maduro
Tel. 24144.

TA BUSCA
Pa compra, un bicicle-
ta di careda Segunda
mano den bon condi-
cion.
Contact : Maduro
Tel. 24144.

TA HUUR
TA HUUR
Un CAS 3 camber
2 baño, zitkamer, porch
etc.
Na Bruynewijk
Inf. Tel. 24300 ext 119

TA HUUR
Un CAS (apartment style)
di un camber, cushina, sala
porch y baño, full muebla
TEL: 24729
Feliciano

TA HUUR
Un APARTAMENTO
no muebla
fls. 250,-
Sabanilla Abao/Sta. Cruz
Tel: 31037

TA HUUR
CAS, dos camber
cashi den muraya
cushina/stove built-in
Porch, garage, incl. awa
TEL: 47620

TA HUUR
Un CAS na Jamanota 1
3 camber, 1 baño, sala
cushina, washok, garage y
cura. 2 aña bieuw
Prijs atractivo
TEL: 32749

TA HUUR
APARTAMENTO
muebla, awa, luz, aircó
Prijs 475 p. l.
Pa inf. Tel: 46464
San Nicolas

TA HUUR
UN CAS na PAPILON No 70
pa fls. 750,-, 2 T.V. 19" & 15"
respectivamente fls. 750, y 500
Set di sala fls. 1250, Set di co-
medor 1250,- Wasmachine au-
tom. 250,- Jeep Daihatsu pa
fls. 11.000,- aña '84. Pa infor-
macion Tel. 28314.

TA HUUR
APARTAMENTO
pa 1 of 2 persona
den O'stad
Prijs fls. 375,- inclui
awa. TEL: 23181

TA HUUR of TA BENDE
UN CAS
casi nobo di 3 camber, 2 baño
patio, washok cu garage, sala,
comedor etc. Cashinan di ba-
ño y cabinet di cushina ta
built in. Cas ta situa dilanti di
Dr. Ponse na Savaneta. Pa mas
informacion yama 47086 des-
pues di 1'or di merdia.

TA HUUR
Un cas na Catiri.
prijs: fls. 500,- pa lu-
na.
Pa informacion:
pasa na Catiri 30.
Tel: 21705

TA BENDE
TA BENDE
Chevy Truck, long wheel
base, heavy duty many
extras. Excellent condi-
tion. Leaving Aruba &
must sale. The first 4500
nafl. takes it.
Call Charles Bar
Tel: 45086

TA BENDE
CAS nobo, 3 dormitorio
sala y sala di TV, cushina
habri cu cashi Europeo y
un comedor grandi. Porch
dilanti, ariba 1100 m2, te-
reno erfpacht. Scobillo-
str. 40. Pos Chiquito

TA BENDE
Un CAS di 3 camber
cu apartamento, cura gran-
di y patio na Juanamor-
tostr. 7 (Lago Heights)
Telf. 47274-46164
of acudi na Maria van
Oranje str. 17

PRIJS GANGA
TA BENDE
Un CAS grandi cu
apartamento com of sin
muebles. Mas inf.
Tel: 32327
den Playa

TA BENDE
Un Airco marca National
na balor di f. 200,-
Pa mas informacion
Sivdivi 1
Familia Hoevertz

FOR SALE
1983 Arubian Fishing
Boat/20Ft.) incl. two (2)
Johnson outboard motor
s 35 HP
For fls. 7500,00
TEL: 23063

TA BENDE
Adres: Shiribana 7-C parade-
ra, Un Cas pa un bon prijs. Un
Jeep, dos Airco, 1 set di sala pa
1800,- 1 set di stoel beige 375
1 Bar grandi 1000,- 1 set di
cama 850,- 1 tapijt 200,- 1
frigidaire 1500,- Cortina,
Prontstuk di cristal y algun
otro Articulo mas. Tur cos ta
casi nobo.

PLANTS
FOR SALE
TEL: 92583

FOR SALE
Speedboat 17 ft.
90 H.P. Evinrude Mtr.
Price: 10.000,-
Tel: 28971.

Miller
Hoeftu Liefde

TA BENDE
NOS TA BENDE
e mihor calidad di:
SANTO
di CUNUCU
entrega te na lugar di
construccion
TAMBE NOS TA BENDE
BLOKKI
4 duim fls. 1,- entrega
6 duim fls. 1,50 entrega
Nos Blokinan ta garantisa,
door di fabrica y nos stock
ta enormemente grandi.
Yama LOPEZ
Tel: 28448
TA BENDE
Stereo set Sansui plus 2 spea-
ker 40 watt y headphone
pa f. 1150,-, aircó National
1800 BTU 650,- Set di ser-
vies pa 6 persona 130,-
Seroe Colorado 207
Tel: 93551

TA BENDE
BROMMER YAMAHA exi-
ted 250, low rider, den top
condicion Fls. 1.600,- Yama
Sra. Wong na tel. 23846.

TE KOOP of TE HUUR
HUIS te Eagle, 4 slaapkamers
2 badkamers, zitkamer, porch
etc. plus inboedel, auto, sun-
fishes etc.
Tel: 24642

TA BENDE
BOEKI di P.D.
Boekhouden
1 e en 2 e jaar
TEL: 22232

TE KOOP
YAMAHA 50 cc+
wegenbelasting
Onderdelen etc.
PARADERA 137

FOR SALE
DATSUN 1200
Pick Up
Febr. '84 16000 KM
Prijs fls. 6800,-
TEL: 26530

TA BENDE
Un Radio VHF 55 cha-
nels antenne 9 d b
Special pa Boto
TEL: 22659

TE KOOP
1 sunfish y extra's, 3 stro-
be lights, 1 pr. motorlaar-
zen, speakers, roeisiet voor
surfplank, peddles.
Tel: 92184
Seroe Colorado 255

TA BENDE
FORD MAVERICK
aña 1974
Ponton 86 C
TEL: 25710

TABATA TIN ERRORNAN

Boxeo por bira e medio mas importante pa promove nos isla turistica. Pa e motibo aki tur esnan involvi den e organizacion di boxeo na nos isla mester haci tur esfuerzo pa conhuntamente promove boxeo internacional na Aruba.

Aruba boxing comision ta admitti cu tin cierto errornan cu a ser haci pa banda di e promotornan, e matchmaker y Aruba Boxing Commission.

Si ta asina, cu aunque Aruba Boxing Commission tin tur autoridad pa desapropa un pelea of un programa, prome cu e tuma e decision aki, e

mester tuma na cuenta si un decision di desaprobacion lo afecta e inversion grandi cu e promotor Concord Hotel & Casino a haci tanto den exterior como na Aruba den e promocion di un programa boxistico.

Den e caso di e programa di dia 30 di maart, tabata tin convenian extenso den exterior pa transmiti e programa via satellite pa varios pais na mundo. Tambe por a constata cu algun dia prome cu e programa mester a tuma lugar, ya un 70 porciento di entrada tabata reserva of bendi, bao di cual condicionnan no por a cancela cierto peleanan programa.

Esaki no ta encera cu e manera cu e matchmaker a actua tin e aprobacion di Aruba Boxing Commission. Un trabao importante di Aruba Bo-

xing Commission ta pa proteha e boxdonan y duna e hotel tur cooperacion necesario pa nan por presenta na nos fanaticonan di boxeo un programa boxistico bon organiza y di bon nivel. Si nos ripara cu un matchmaker ta haci mal uso den e formacion di e programa, nos ta yama su atencion debidamente y esaki a sosode tambe, unda cu a matchmaker, Sr. Antonio Madrigal a ser avisa cu si un biaha mas e no cumpli debidamente e lo no haya permiso mas pa actua como matchmaker na Aruba.

Como cu e Sr. Madrigal a tira culpa ariba Aruba Boxing Commission, nos kier laga fanaticonan di boxeo sa cu e persona mas culpabel pa e errornan haci tabata Sr. Madrigal y no e hotel of e comision di boxeo.

E matchmaker ta na altura cu ora cu presenta un programa e mester manda pa Commission e record di boxdo, e record medico y e aprobacion di e comision di boxeo di unda e boxdo ta bini. Cuatro (4) boxdo no tabata tin ningun documen-

to pa presenta, incluyendo Wilfredo Benitez. E matchmaker tabata sa cu Wilfredo Benitez no tabata tin aprobacion di e comision di boxeo di Puerto Rico, y cu tambe segun e comision di boxeo di Puerto Rico, Sr. Chade no por representa Wilfredo Benitez.

Aruba Boxing Commission tin un telegram di e comision di boxeo di Puerto Rico, ricibi dia 28 di maart den cual nos comision ta ser avisa cu Benitez no tin licencia y no tin nan permiso pa box.

E matchmaker tabata sa di esaki, y sinembargo a bini cu Benitez. Pa Aruba Boxing Comision, e lo tabata hopi penoso pa stop e pelea y perhudica Aruba Concorde Hotel y Casino y e fanaticonan di boxeo tanto local como internacional.

Aruba Boxing Commission a tuma e decision pa cu Wilfredo Benitez no lo haya permiso pa bringa na Aruba atrobe si e no tin e permiso di e comision di boxeo di Puerto Rico. Tambe e matchmaker Sr. Madrigal mes-

ter sa cu e no por trece un boxdo Aruba pa Substituto, mester presenta tur e documentonan necesario. Sr. Madrigal no a cumpli cu esaki. E fanaticonan di boxeo mester tin confianza den Aruba Boxing Commission. Si den futuro Sr. Madrigal o cualquier otro matchmaker no cumpli cu reglanan, inmediatamente e lo wordo suspendi y Consejo Mundial di Boxeo lo ser pidi pa suspende e matchmaker internacionalmente.

Encuanto e hecho cu tabata tin varios knock-out, nos reaccion ta cu esaki por sosode. Duran a bay 15 round cu Hagler y Sugar Ray Leonard, pero solamente 2 round cu Tommy Hearn. Den boxeo internacional hopi pelea ta caba den prome round. Nos fanaticonan mester tene cuenta cu esaki.

Aruba Boxing Commission.

Aruba Boxing Commission.

**DIJKHOFF
PESTCONTROL**
Pa spuit Bo cas,plafond,
cura of edificio contra di
tur sorto di Insecto(hout-
luis) yama nos na 27271
entre 1'or y 5'or

CARACAS

Salida: 26 April
Regreso: 1 Mei

Sgl.482/DbI 403/Trp 377/Mucha 175


Ta inclui: 5 anochi na Plaza Catroral/pasashi ida y vuelta/traslado apto-hotel-apto/tour pa Colonia Tovar/tour pa Fabrica di Arte Murano y di Jeans Ufo/impuesto di salida/tur tips-na apto y hotel.

MARGARITA

Sgl 762/DbI 626/Trp 584/ Mucha 295

Ta inclui: 5 anochi na Hotel Bella Vista/pasashi ida y vuelta/traslado apto-hotel-apto/tur desayuno/tour pa La Restringa cu lunch/paseo den,lancha/tour pa Playa Al Agua/impuesto di salida.

Pa reservacion El Mundo Kanguro Aruba



ARUBA

Tel: 32185

Directiva di

CLUB CAIQUETIO
ta anuncia

cu su **REUNION ANUAL**
cual mester a tuma lugar
AWE dia 10 di april, a worde
pospone pa
DIALUNA 15 di APRIL '85

Por fabor tuma bon nota
di e cambio di fecha !!!



TURISTANAN

Cont. di pag. 3

hendenan lo no laga e isla cambia. Nan ta orguyoso di nan isla y nos ta hopi orguyoso di por bisa cu nos ta enamora cu bo paraiso.

Nos ta anhelando pa e vacacion di November proximo, nos a planea pa keda mas o menos dos siman, pasobra un siman

na Aruba no ta suficiente.

Den su carta dirigi na señor Watty Chai, señora Volpe ta expresa palabranan di elogio tambe pa e personal di e oficina na New York cu ta sumamente atento. Ta un verdadero satisfaccion di por tende con personanan den exterior ta purba compara Aruba cu otro islanan y ta descubri cu manera Aruba no tin ningun.

Gobierno di Aruba ta spera cu e pueblo sigui conserva e beachnan blanco y e tradicional hospitalidad, factornan importante den desaroyo di nos turismo.

URGENTLY NEEDED

1) Experienced Painter/Body worker

Please apply in person at the
Automobile Dept.



ARUBA TRADING CAR COMPANY
Rondweg 1

Bo mes por controla loque ta combini Bo of No.
Si Bo conoce Bo HOROSCOPO, door di duna e siguiente informacionnan.

INFORMACION NECESARIO:

- 1) Number di nacemento
- 2) Fecha di nacimiento (año, luna y dia)
- 3) Lugar di nacimiento, sitio y Pais.
- 4) Ora y minuut di nacimiento

Si Bo ta interesa den Bo HOROSCOPO di Nacimiento consistiendo di 10 fel di papel cu explicacion? Anto manda Fls. 25,00 y informacion na:
P.O.B. 592
O'stad Aruba N.A.

Reclamo y
informacion
DIARIO
Yama telefon
26747

INTERNACIONAL

MAZONNAN DEN COMUNIDAD EUROPEO MESTER HUNGA CARTA ABIERTO

BRUSSEL—Representanten y staff di e Parlamento Europeo, segun representanten di e Partido di Obrero Ingles, mester anuncia si nan ta miembro di Logenan di Mazon o otro confraternidadnan secreto. Ademas sin perde tempo lo mester inicia un investigacion encuanto e papel cu logenan di Mazoneria ta hunga den institucionnan di Comunidad Europeo.

Segun e representanten Ingles, tur representante o cooperador di e Parlamento mester bisa si e ta miembro di un confraternidad secreto, y esaki mester keda estableci den registro publico.

Esun cu no kier haci e declaracion, lo perde su miembrecia di e comision di Parlamento. Contra trahadornan lo tuma medidanan disciplinario.

Un documento separa di Terence Pitt ta bisa cu e Parlamento Europeo ta expresa su preocupacion encuanto e expansion di logenan di Mazoneria y otro confraternidadnan secreto y e informenan cu funcionarionan alto di e comunidad ta pertenece na e organisacionnan menciona.

JOVEN DI 16 ANA A TUMA UN SIMAN PA MATA SU MAESTRO

EINDHOVEN—Un joven di 16 aña di Den Bosch a trata di mata su maestro. Pa por a yega na e atentado, el a tuma un siman pa traha su plannan.

Ademas el a pidi su amigo di 18 aña pa yude den e diseño.

E joven kier a mata su maestro pa motibo cu e tabata tin temor cu e lo ser expulsa di school. E temor aki, lo tabata completamente sin base, pero di tyr forma e atentado tabata dirigi ariba un maestro cu no tabata conciente di e temor existente ni e plan cu a ser diseña.

E dos personanan involvi, a viaja separadamente cu trein pa Eindhoven y tabata tin den nan poder materia pa haci e maestro bay off, y tambe un cuchio y un zaag. Nan a purba un que otro ariba algun pato promer.

E maestro mes a laga e dos amigonan drenta su apartment. E debe su bida na un bisiña y Providencia. Na momento cu e bisiña a scucha ruido, el a bay e apartamento di e maestro, cu a ser bati y hinca pa e dos jovennan cu mentenan destructivo.

E maestro a ser corta di un horea pa otro, pero ta recuperando awor.

E dos jovennan, cu a trama e complot horrible awor mester atende cu autoridad.

KLM NO TA BAY BAGDAD

AMSTELVEEN—Durante luna di April, KLM lo no bula ariba e Capital di Irak, esta Bagdad.

En conexion cu e guerra entre Irak y Iran, KLM a dicidi di no bay den e vecindario. Encuanto vuelonan na Mei, lo tuma un decision na fin di April.

21 MORTO DURANTE FIN DI SIMAN NA BELGICA

BRUSSEL—Durante e fin di Semana Santa, un total di 21 persona a perde nan bida durante e accidentenan di trafico.

Polis a registra un cantidad di 1858 accidente, cu

tabata 278 mas cu Pasco

aña pasa. Pero aña pasa, apesar di e hecho cu tabata tin menos accidente, tabata tin un cantidad mas alto di casonan fatal, esta cinco persona mas cu a perde

nan bida.

Den e accidentenan di fin di siman na e pais, 190 persona a keda seriamente y 548 levemente herida. E cifranan aki tambe ta mas abao cu aña pasa.

IMF CU OPTIMISMO MODERA ENCUANTO PERSPECTIVANAN PA 1990

DEN HAAG—E Fondo Monetario Internacional, IMF, ta moderamente optimista encuanto e perspectivanan economico pa e paisnan industrializa te 1990. IMF ta conta cu na e paisnan lo tin un crecimiento economico anual di tres por ciento mientras cu paisnan den desaroyo lo conoce un crecimiento di 4.5 pa 5 por ciento cu un crecimiento den exportacion di 8 por ciento.

Inglacion lo keda abao den paisnan industrializa, y relativamente abao na paisnan den desaroyo, pa cual un percentage di diez por ciento a ser mencionada.

Pa por yega na tal desaroyo, e paisnan industrializa y den desaroyo mester sigui cu adaptacion di nan economia.

Segun IMF ta bisa den World Economic Outlook, cu ta un pronostico periodico ariba desaroyonan economico, por tin razon modera pa optimista.

E relato lo ser discuti otro siman durante e reunion semi anual di e organo di manejo di IMF, cu ta ser presidi actualmente pa e Ministro di Finanzas Hulandes, Ruding.

E fondo ta mara su pronostico na algun condicion. Asina Estados Unidos mester reduci su

fayo den presupuesto cu un por ciento. Ademas e paisnan cu entrada alto, mester presta atencion na nan manejo. Ademas e parti productivo di economia mester ta mas flexible posible mientras cu frenanan ariba comercio mester ser

elimina mas y mas.

Paisnan cu debenan exterior alto, esta especialmente paisnan na America Latino, ademas mester sigui sana nan debenan y adapta nan economia manera algun ya a cuminsa haci.

GRADICIMENTO

Sra. NORMA
MERCEDES
VEGA RIJNA

Na nomber di su esposo Misael Vega, suegra, rumannan y demas famia, kier a gradici na tur esnan cu di un of otro manera a muestra nan atencion na ora di entiero di mi inolvidable esposa:

Gradicimento ta bai na tur esnan cu a manda flor, krans y telegram. Na Agencia Funeraria "LA MILAGROSA" pa nan bon servicio.



GRADICIMENTO y INVITACION

Famianan di e difunto

Claudia
Cecilia-Maduro

Sinceramente ta gradici na tur esnan cu di un manera of otro a muestra atencion na ora di enfermedad, morto y entiero.

Tambe esnan cu a manda flor, krans y telegram, alabes ta participa cu lo tin 2 Santo Sacrificio di Misa ariba diano 11 y 18 di april '85 pa 7'or di anochi na misa Sagrado Curazon di Savaneta. Despues di ultimo misa ta resa un rosario na cas Savaneta 5.




Pa recorda e di prome aniversario di fallecimiento di nos inolvidable defunto stima;

OBFFE HART

(BILL) Q.E.P.D.

Sra. Vda. Veneranda Hart y juinan kier a invita tur familia amigo y conocinan pa un Santo Sacrificio di misa awe diaranzon 10 di april pa 6:30 di atardi na Iglesia Cristo Rey na Brazil.



Reclamo y
informacion

DIARIO
Yama telefon
26747

FIN DI SIMAN TURBULENTE NA AFRICA DEL SUR

JOHANNESBURG—Durante fin di siman di Pasco Grandi a registra seguramente cinco morto den e provincia di Kaap na Africa del Sur.

Ademas na otro provincianan tambe tabata tin intranquilidad, segun a keda anuncia oficialmente pa polis ayera.

Un Sargento di Polis a declara Diamars dilanti di Juez, encarga cu e investigacion entornu di e tiroteo tres siman pasa cu a resulta den seguramente 19 morto, cu polis no a duna advertencia.

Durante e fin di siman di Pasco Grandi den e barionan di hende di color

a cay seguramente tres morto. Dos persona a

muri ademas durante negronan cu ta ser acusa di accion di negronan contra colabora cu blanconan.

INTERNACIONAL

DEN UYL REELEGI COMO PRESIDENTE DI PARTIDONAN SOCIALISTA

DEN HAAG—E representante di Partij van de Arbeid di Hulanda, Joop den Uyl, ayera a keda reeligi na Madrid como Presidente di e Federacion di Partidonan Socialista na Europa.

Esaki a ser anuncia pa un vocero di e partido.

Lo ta segundo termino di Den Uyl como presidente di e federacion. Su eleccion pa e fun-

cion cu cual e lo keda encarga durante dos aña, a tuma lugar durante e di 14 congreso anual di e federacion cu ta clausura awe nan reunion na Madrid.

E federacion ta consisti di tur partido socialista den e Parlamento Europeo mescos cu observadornan di Portugal, Spaña, esta e dos paisnan cu dia Promer di Januari lo bira miembro di Mercado Comun Europeo.

INGLATERA Y ALEMANIA A INTERCAMBIA HUDIEW Y ALEMANNAN DURANTE GUERA MUNDIAL

TEL AVIV:—Durante segunda guera mundial e nazinan a cera un transaccion cu Inglatera den cual inglatera a entrega na nazinan mil aleman cu tabata biba na Palestina, pa 550 hudiew.

Asuntunan di Exterior di Israel Avi Pasner a declara

ra durante e simposium cu cas di su tata na Suiza tabata cuartel general di britaniconan.

Profesor Chain Pasner tabata representante di Sochnut (E agencia di prensa hudiew) na Suiza y tabata colabora cu e accion di salba hudiew-

nan.

Segun e simposio cu a tuma lugar na Tel Aviv, e alemanan tabata miembronan di ordo di templadonan.

Vocero di ministerio di Nan a logra rescata miles di hudiew e tempo ey.

INTERES GRANDI PA PELICULANAN AMERICANO NA CHINA

PEKING:—Centenares di mil hende a bini hunto na entradanan di teatro-

nan di cine na Peking, Shanghai, Kanton, Cheng Du y Changchun pa e prome presentacion publico di pelicanan americano den 4 aña.

Den teatro Gran China den Centro di Peking e publico a sinta silenciosamente pa mira e pelicula "On Golden Pond" den cual libremente ta papia di seks y den cual Jane Fonda ta cana rond cu bikini y cu ta muestra luhonan cu pa China ta increibel.

E festival di pelicula americano ta dura di dia prome pa dia 14 di april. Ministerio di cultura a

corta si for di e pelicanan "Kramer vs Kramer" y "Turning Point" escenan di dormitorio pasobra nan ta haya cu esakinan no ta pas na China.

Ningun di e otro cinco pelicanan tabata tin cortamento den nan, ni Starwars cu tambe ta un di e favoritonan di taquilla.

Apesar cu pelicula chinas ta hirando mas y mas realistico, e ta keda hopi puritano compara cu pelicanan americano.

Na Peking e actriz Sissy Spacek a asisti na e premiere di e pelicula "Coalminer's Daughter."

CASO CONTRA PREDICADOR AMERICANO PA SERMON DI SUICIDIO

WASHINGTON—Na Estados Unidos profesionalnan ta sigui cu hopi interes e procedura civil, cu a ser inicia contra un Predicador di Los Angeles cu lo a tene un sermon di

suicidio.

Despues di e scucha e predicador, un joven a escoge pa suicidio y awor su mayornan ta exige un compensacion di un millon dollar di e Predicador John

MacArthur di e secta Protestant fundamentalista Grace Community Church.

Aunke e predicador ta bisa cu den su charla semper el a bay contra suicidio mayornan di e joven a entrega un grabacion na autoridad. Den e grabacion por a scucha e predicador bisando cu e inclinacion di suicidio cerca esnan cu ta sigue ta un yamamento di Señor pa bay cas.

Especialmente den circulanon religioso e caso ta ser sigui cu atencion, pa motibo cu awor ta trata di un asunto cu por tin consecuencia juridico pa un consejo duna pa un predicador.

E dirigente di e secta ta ser persigui pa malpractica, cu ta un clausula di ley cu ta permiti persecucion legal di profesionalnan cu den ejecucion di nan labor ta comete eror.

ATENCION

ARUCAR N.V.

Agente pa VOLKSWAGEN - LADA y SUBARU ta ofrece na su clientelanan: PA TUR SERVICIO HACI DEN SU GARAGE 20% DI DESCUENTO ariba tur piesa y si esaki no ta suficiente tin 5% riba LABOUR tambe cu tur esaki nan ta bay 30 dia di GARANTIA.

ARUCAR ta contribui un bes mas na nos economia.

E OFERTA AKI TA VALIDO TE CU DIA
30 DI APRIL 1985



BOM A MATA MAMA Y MOROCHO

TRAPANI—Un bom cu ta traha cu control remoto y cu a ser laga den un caha di carton ariba un carretera den vecindario di un playa a mata un mama y su yiunan morochu y a herida 7 persona, incluyendo uno di e principal investigadornan di crimen.

Polis ta bisa cu e ta pensa cu e bom tabata trabao di Mafia y cu

Juez Carlo Palermo, di 30 aña di edad, mester a ser mata. Palermo den pasado a percura pa un conexion potente di arma y droga a ser desvela.

E mama cu a bira victima tabata hibando su yiunan school.

LESA
DIARIO

CARTA ABIERTA DI COMISION JUVENTUD 85

ORANJESTAD(AAN)—E siguiente carta abierta di Comision Juventud 85 a ser ricibi pa Redaccion di DIARIO.

"Ta cu gran alegria cu awe Comision Juventud 85 ta dirigi su mes na comunidad di Aruba pa yama danki pa e forma cu publico di Aruba a cumpli cu observacion di Diavierna Santo den cuadro di e proyecto na Caminda Pa Su Cruz, y e forma con jovennan a responde e yamada y no solamente tabata presente na e ceremonianan di Diavierna Santo, pero tambe a asisti na e Ceremonianan di Pasco Grandi.

Sin duda, clausura di Cuaresma, esta Semana Santa, e aña aki a bay acompaña atrobe pa actividadnan cu a demostra pakico di Diavierna Santo.

Mirando atras ariba e forma cu un cantidad enorme di auto a participa na e parada silencioso, siguiendo e Cruz, e fila largo cu a participa na e caminata di Sporthal pa Cero di Noka, cu a keda yena cu miembronan di nos Comunidad cu a sigui Pasion di Cristo den e teatro, Comision Juventud 85 ta bolbe haya un empuje pa sigui cu mas actividad, mas labor y mas planta pa jovennan di Aruba, cu ta demostrando cu nan lo responde yamadanan positivo.

E hecho cu un multitud a dicidi cu Diavierna Santo e kier reuni pa recorda Cristo, no ta un exito di labornan di un Comision, pero mester ser mira un resultado positivo di un deseo masal pa recupera tradicionnan religioso, pa recupera e Fe den Asistencia Divino, den Dios.

Clausurando e proyecto Na Caminda Pa Su Cruz Comision Juventud 85 kier a yama danki na tur esnan cu a coopera. E lista ta largo, pero e proyecto di Cuaresma tabata uno enorme, cu a haya acogida enorme.

Un gran cantidad di instancia a coopera pa haci e proyecto posible. Gobierno di Aruba a duna

su sosten, y asina entre otro DOW a percura pa e teatro di Cero di Noka a keda completamente restora y den futuro por bira un centro pa mas actividad pa jovennan, cu merece tur atencion.

Elmar a percura pa coriente ta disponible na e teatro y a duna un contribucion valioso. Diferente casnan comercial a yuda cu loke tabata necesario pa e proyecto cu a conoce asistencia di miembronan di comunidad, cu na un forma espontaneo a aporta. Asina Efrain Croes a bolbe percura pa banner cu a keda colga den cayanan, e grupo di seguridad di aeropuerto a forma e task force cu a duna asistencia na polis, cu atrobe a coopera na un forma fabuloso.

Aruba a uni y e resultado a papia pa su mes. Pero sin duda e preparacionnan a haci hopi efecto y den esaki Comision Juventud 85 mester gradici Señor Ito Tromp di Departamento pa Cultura y Educacion cu a pone espacio disponible na television pa por transmiti e programanan, na cual entre otro Julio Maduro y Nady Croes a duna un aporte enorme pa presenta algo di pasado di Aruba na jovennan cu asina e loke tabata bon antes, no bay perdi y sirbi di inspiracion di futuro. E equipo di filmacion di AVD a duna un cooperacion enorme y e filmacionnan a acapara atencion pa nan calidad formidable. Medionan di comunicacion no solamente a presenta relatonan di e Comision, pero tambe mester gradici tur radio emisora, cu hasta a transmiti en cadena e ultimo mensaje na jovennan.

Na Caminda Pa Su Cruz tabata un exito, cu a denota atrobe cu Aruba ta fuerte ora e uni forza positivo. E proyecto a bira un exito tambe siendo cu e tabata basa ariba un cooperacion estrecho entre Comision Juventud 85, Clero Catolico, organizacionnan Catolico, cu a de-

mostra cu e union den Iglesia Catolico ta mas estrecho cu nunca.

Repasando e celebracion den prison cu a inicia e observacion di Semana Santa, mester gradici tambe Director di Huis van Bewaring, señor John Hart su staff y personal cu a duna tur asistencia.

Diavierna Santo Maybeline Arends Croes y su grupo di jovennan a percura pa presentacionnan cu a impresionar, mientras cu e grupo di jovennan cu a presenta e Pasion di Cristo, a percura pa e mensaje di Caminda di Cruz keda graba den memoria di tur esnan cu a convivi e presentacion cu tabata bao di direccion di Lilian Kaster.

Eddy Tromp a percura pa e zonido cu a haci cu tur hende por a scucha e jovennan.

Finalizando otro proyecto, Comision Juventud 85 ta yama danki na tur cu a yuda y ta preparando pa

e proximo evento, estimulando pa e acogida publico cu a ser duna na Na Caminda Pa Su Cruz.

VELDLOOP FRANSE Cont. di pag. 9

den D. Mucha muher den 16.40 minuut.

Den categoria mucha homber D. Ivan Roza a gana den 4.16 y Derick Lopez a termina segundo den 4.58.

Tabata tin tambe dos careda di 700 meter pa pupillen B.

Den categoria di mucha homber Allan Arrindell a gana den 2.57, sigui pa Detlef Hooyboer den 2.58 y Jos Hermans den 3.08.

Den categoria mucha muher, Margot Spaans a impone den 3.07 minuut y tambe ta un di e atletanan cu den su categoria ta sobresali ultimamente.



Adeline Geerman yegando final di 1000 meter cu sonrisa na cara como ganador.

BUSCA PREMIO BAO TAPA DI



COCKSPUR
Est'd 1884
REGISTERED TRADE MARK
FINE RUM
PRODUCE OF BARBADOS

Bebe bon rom y gana bon premio. Bao di hopi di e tapanan di COCKSPUR di 75cl. tin un regalo pa bo. Busca nan bao di e korki.

ORA BO HAÑA E GAI.....



Bo ta haña un botter di rom COCKSPUR di 20cl. di regalo

ORA BO HAÑA E PETCHI.....



Bo ta haña un 'Radio-cap' cu radio FM aden.

ORA BO HAÑA UN MONTANTE DI.....

Fls. 25=

Fls. 50=

Fls. 100=

Bo por cobra e montante cu bo a haña como placa CASH.

CAMBIA BO TAPANAN NA
ARUBA AGENCIES LTD.

Gutenbergstr. 2 — Tel. 23750

SOCIAL



Awe ta cumpli 2 aña RYAN PHILLIP CHAI kende ta ricibi masha pabien di su mami y papi, di su rumannan, primanan, madrina y padrino, demas familia y di DIARIO.



Na Popayan Colombia a celebra nan boda di koper ayera, e feliz pareha EDMUNDO y ETATROMP den compania di nan yiu stima Maria Mercedes. E pareha ta haya felicitacion di demas familia na Aruba y di DIARIO.



Awe ta cumpli 7 aña JOURAINE MIRELLA NICOLAAS. E ta ricibi hopi pabien di su tata, mama, rumannan muher, Ma Fefa, madrina y padrino, tanta y omonan tambe wela y welo na Bonaire y di su coleganan na school y su maestro. Pabien tambe di DIARIO.

Un felicitacion gigantesco ta bay awe pa señora EDITH DE CERVANTES cu ta bira un aña mas joven y ta ricibi masha pabien di su esposo Jesus, diagramador di DIARIO, di su tres yiu-nan, demas familia na Colombia, amigonan y amiganan y naturalmente tambe di personal di DIARIO.



Awe ta cumpli 3 aña JANELLA GAMARRA cu ta ricibi masha pabien di su mami y pai, di su welo y welanan, di su omonan y tantanan, madrina y padrino, demas familia y di DIARIO.



Awe ta celebrando su di 45 aniversario HERALDO ROSENSTAND. E ta ricibi felicitacion di Rosenstand Publishing Joint Venture, familiares y amistades y di DIARIO.

PROGRAMA DI SIMAN DI SECRETARIA TA CLA

Celebracion ta dia 24 di April

ORANJESTAD(AAN)—Aruba Secretaries Association ya tin su programa cla pa celebra Siman di Secretaria cu ta di dia 19 pa dia 25 di april.

Dia 19 manera a bira tradicion, gezaghebber lo proclama siman di secretarianan y muy en particular dia di secretaria.

Anochi lo tin un brindis pa miembronan y nan invitadonan.

Dia 20 di e luna aki, lo tin un Health & Beauty Clinic pa e miembronan y e dia siguiente un Santo Sacrificio di misa na capilla di Tanki Leendert.

Dia 22 di april ta sigui cu un anochi educativo pa miembronan y nan invitadonan cu lectura di Potencial Unlimited ariba motivacion di liderazgo personal.

Dia 23 di april tin e segundo exhibicion di maquina pa oficina durante cual diferente compania local lo demostranan machinnan ultra moderno. Esaki lo ta di 7 or pa 10 or na Americana Hotel y ta habri pa tur interesados.

Dia di secretarianan, dia

24 di april lo tin e acostumbra, Secretaries Day Luncheon pa 12.30 caminda hefenan por bini cu nan secretarianan y otro interesadonan tambe por asisti. Informacion encuanto esaki por haya serca Ingrid na 28565, Lucy na 21271, Miria na 21218 y Nora na 24444.

Durante e luncheon aki lo tin e momento culminante di tur aña, esta pa mira kende lo bira SOTY, (Secretary of the Year) of BOTY (Boss of the year) y tambe e sorprendanan cu tur aña ta varia pa e presentenan.

Atardi tin e segundo dia di exhibicion di e maquina pa oficina den Ballroom di Americana Hotel, cual tambe ta gratis.

Dia 25 di e luna aki lo tin e anochi di discusion den panel. E topico lo ta turismo y lo ta presente Director di Oficina di Turismo, un representante di aviacion, un operador di tour, y un representante di Ahata. Cu e panel aki e siman di secretaria lo ser clausura y e biaha aki tur hende por acudi tambe na e panel.



Na beachnan ultimo dianan di campamento por a mira miles di hende disfrutando. Un cu a perde chance di disfruta manera e tabata kier tabata e joven locutor Ivan "Mariflo" Kely, kende a bay bon arma cu su cama di campamento, cana decenas di meter busca un lugar pa por sosoga y pasa anochi, pero finalmente mester a regresa su Van ya cu tur espacio canto di beach tabata yena caba. El a ser sorprendi pa fotografo di DIARIO na momento --poco disgusta-- e tabata hinca su cama di campamento den Van.

ARUBA DECENTE

KEDA DECENTE



TUR ATARDI DI DIALUNA PA
DIAVIERNA DI 5or PA 7or

E Programa di Estilo

SINTONIA ABSOLUTO

DEN 85

JOHNNY'S
GOLDIES



POLIS

E NO TA CORDA KICO EL A HACI

ORANJESTAD(AAN)—Diasabra atardi mas o menos 3.25 polis a ser dirigi pa aeropuerto pa tuma un persona over pa transporta pa warda di polis.

E persona aki tabata J.S. kende a ranca waya di un telefon, y supervisor di aeropuerto a duna keho di destruccion contra su persona.

Como cu J.S. tabata asina burachi, polis no por a interroga su persona y a dicidi di dune un "suite" di polis, pa sosega su curpa.

Diadomingo mainta ora cu su curpa a drecha, recherche a bay interogu'e pero no por a saca nada afo, pasobra e no tabata corda mas kico e lo a haci diasabra.

AUTO DI POLIS NO TA AUTOBUS

ORANJESTAD(AAN)—Dialuna madrug a un cuarto pa dos mas o menos un homber ta para auto di polis den Helfrich straat, na e mes manera cu polis ta para auto, cu un man na laira.

Ora cu polis a para, e homber a habri porta di auto, y cay sinta den e auto di polis como sifuer ta den autobus el a drenta.

Polis a haya e cos aki

masha straño y a puntra e homber ta kico a pasa.

El a contesta polis, pa bah'e na su cas den Bernardstraat.

Polis cu sa masha bon cu auto di polis no ta autobus, a baha e homber di e vehiculo, pero e homber no a gusta esaki, y a cuminsa zundra polis tur sorto di manera.

Ora polis kier a sigui core, e homber a keda wanta na e auto di polis.

NAN A BAY CU SU CARSON

ORANJESTAD(AAN)—Un di e personanan cu tabata campa na hotelnan a duna keho di ladronia

HISTERIA CALMA CU INJECCION

ORANJESTAD(AAN)—Dialuna madrug a familia cu ta biba den Hillebrandstraat a pidi asistencia pa nan yiu di 27 aña cu a bira histerico, probablemente debi na uso di droga.

El a ser hiba centro medico, pero como cu e tabata asina histerico, nan mester a wante pa docter por a pase un inyeccion pa e por a calma.

cu a tuma lugar na su tent.

Segun e persona aki, E. K. ladron a drenta su tent banda di Americana Hotel, y a bay cu su carson, sapato, radio y lampi di kerosin.

Recherche a keda di investigar e caso aki.

E homber A.H. tambe a duna keho di ladronia di su rubberboot di 12 pia, color shinishi, cu motor di 9.9. p.k.

E rubberboot tabata mara na pier di Holliday Inn.

Ora cu H.A. a regresa di un paseo ariba beach el a ripara cu e boto a desaparece.

E caso aki tambe ta ser investiga.



Na Rooi Bosal e pickup aki a dal contra un palo di luz y despues ranca parti di vangrail, aparentemente pa motibo di velocidad halto. E chofer tabata keha di dolor di lomba pero a dicidi di bay docter ariba su mes. E daño cu a ser causa a ser calcula na mas o menos 9000 florin.

ASISTENCIA PA BRINGAMENTO

ORANJESTAD(AAN)—Asistencia a ser pidi dialuna atardi pa mas o menos 6.10 or pa un bringamento den un restaurant na Tanki Leendert.

Aki tabata tin un pelea formal entre E.D. kende lo a ataca P.H. sin motibo.

Un otro persona cu a ripara cu e pelea ta tuman-

do lugar, a bay para e pelea, pero el a ser ataca pa P.H. e ora ey, te cu nan dos a dal ariba un stoel y kibra esaki.

Como cu PH tabata asina burachi cu casi e no por a para ariba su pianan, polis a hiba warda pa e hospeda den un "suite" di warda di polis te ora cu su curpa drecha.

PROMOCION POLICIAL

ORANJESTAD(AAN)—Den edicion di ayera a aparece un articulo encunanto promocion di miembranan di Cuerpo Policial.

Un malcomprendemento a haci cu a keda publica cu tabata trata di agentenan primera clase cu a haya promocion pa Sub-inspector.

En realidad tabata trata di agentenan policial cu rango di Sub Inspector, cu a haya promocion pa Sub Inspector Primera Clase. Señores Rack y Rojer ainda ta den

servicio di Cuerpo Policial

mientras cu señor Sonny Beltrand pues a haya e distincion despues cu el a

bandona servicio, pero pues cu forza retroactivo.

Reclamo y informacion
DIARIO
Yama telefon
26747

Frozen French Fries

Awor obtenible na.

FRASA TRADING

YAMA Y CONVENCE BO MES DI NOS PRIJS
Semper Sensacional !!!

Adres: FERGUSONSTRAAT 68 - A
Tel : 22704 / 27094 / 25755

boulevard I

TODAY
at 8:15 p.m.



PRIVATE POPSICLE

Comedy 18 yrs.

boulevard II

TODAY
at 8:45 p.m.



FIRST BORN

Drama 18 yrs.

Drive - In

TODAY
at 8:30 p.m.



GOLD RAIDERS

War 18 yrs.